

殿志 236

地  
160.25  
137  
1-16

新州志  
卷

絳州志序

志亦史之一例耳晉平陽相  
乃舉而命史史可云志則州  
郡之有志誠如國之有史言  
事著而人文昭何可一日無

筆記也我

國家化洽重熙爰脩文治議制  
之餘聿命纂集舊章予小臣  
躬承

聖治割有茲土一方文獻責有

攸屬安敢使化成之風猷不  
普徧於方州乎受事以來補  
隙宜漏起廢興衰日無遑晷  
已五轉星杓矣間嘗簿領餘  
閒遊藝翰藻取州志讀之竊

序二

念志脩於萬曆己酉至今歲  
己酉天運一週此變而當革  
之時鼎而新之固其宜也迨  
一再披閱篇目錯亂增贅襍  
穢殊非當年舊本乃購求於

故老之家前已酉所纂原本  
始獲一寓目焉雖體裁整飭  
燦然有章然闕畧譌舛間亦  
有之如紀晉君則叙懷惠而  
遺景厲諸公書晉君而遺晉

元三

臣羊舌子趙文子絳有故里  
在焉而曾不一見楊惲譌爲  
魏人其父譌爲貢父潘駙馬  
摹勒法帖而不一著姓名若  
此者皆闕典也思欲脩飭久

矣今歲乃始謀之侍御孫公  
及諸鄉紳辟求文學之士蒐  
集故實考訂群書名賢鉅公  
孝義節烈皆據實而詳書之  
詩賦篇章約收其最舊志前

五日

賢之逸者補之世代姓字之  
譌者正之諸目之畧者增之  
歷年之待叙者編次之其他  
所不可考不能知者亦姑闕  
之以俟博雅之君子考訂焉

是役也始於己酉正月明年  
庚戌三月始克告竣雖未足  
稱爲善本然芟其禠冗正其  
淆亂穢肆之目吾知免矣或  
曰茲之所志晉國之雄風西朝

序五

圖之餘烈耳以之敷宣事教  
助流德化無乃非醇則乎予  
曰子獨不聞唐風晉問之所  
陳乎今茅茨遺野耕鑿舊壤  
不猶是古帝輦轂之地乎銅

韞諸人譽著名卿不猶是尼  
山之所品藻乎訪勤儉之餘  
思吊夾輔之遺烈亦曰地在  
則然耳吾且與子上遡乎采  
椽土劔之度溫恭克讓師錫

序六

疇咨之道仰觀乎於變時雍  
之美與夫昌言儆戒之訓無  
爲不言垂衣裳之化則即今  
之儉讓深謀和戒而恬以愉  
者不穆然見其餘休乎予小

臣恭逢

聖化奉揚文治輯存典獻以爲  
潤色太平之萬一舉帝堯之  
所理上之以翊

當守舉晉國之風以一諸天下

序七

如是而已矣其或我

朝創興之注錄有續一統疆域  
之書告成詢及下邑采采芻  
蕘將此斗大一區之紀載未  
必非金匱石室之一資云

康熙庚戌孟夏吉旦

奉直大夫知絳州事三韓劉顯

第序



序

史志志事志人累多實載不失繁簡珂珍焉正德辛巳夏南屏李先生治絳四年命珂作絳志志成口豈自信哉蓋將竢天下之裁取者以上續史志夫觀兩戒則慎分野作天文志疆理城隍山川田賦古蹟陵墓皆地理事作地理志民惟戶口徭役物如土產土貢各任徵庶者作民物志歷世沿革染備觀風化作風俗志始建經畧以率民如公府廨舍作建置志監徃省後而注政作官司志邦之先達知善貞守者作人才志州有王藩食下邑作封蕃志復慮渙無統紀取絳州志

古序

一

邦畿內外之說而釐之以州內州屬書凡七卷總曰絳州志志中采擇未當考閱未精事理缺謬而文例訛舛者補而正之尚賴後之君子云正德辛巳十一月之吉河中王珂序

序

絳在昔爲晉都稱莫強子犯謂山河表裏是也古典具存人材輩出苟志有不備雖盛莫傳將太史歲月察四方曷採焉昔州大守貴溪李公慨文獻無徵屬上虞顏君爲之未果繼聘蒲坂王君撰次而絳志以迄今五十年所字畫渺沒多不堪補平字田公以

中州豪傑舉名進士選御史擢憲僉左轉以至今職未基年政化大行士民允懷暇閱舊志欲加修輯會大計當入覲乃訪諸鄉士夫中得嶧山趙君以志托焉君連舉進士令富平乃不肯折腰而歸優游林下者幾三十年居恒吟嘯自娛著述正其所優爰考職方參輿圖舊志繁蕪者刪之未備者增之旁摭故典時加裁酌自己卯冬至庚辰夏始克成編首之以地理終之以文藝凡山川之險夷物產之豐嗇民俗之好尚賢才之顯晦政治之臧否昭然如指諸掌君之用心于此爲大而大守公之所以嘉惠後人者與前

絳州志

古序

二

人之聲頌並不朽矣萬曆庚辰夏吉

賜進士第中憲大夫總督糧儲巡撫應天右僉都御史邵人孫光祜序

余自丁未春來守是州州故有志閱數過質以耳目覩記及史傳諸書間有未合且不無闕遺烏在其足以張絳也會當路謀修通志檄蒐舊編兼附時事益備採覽云余乃集師儒徵耆碩遠稽近考綱總目分脫稿盈尺計二十餘萬言以竣修通志者取精焉可也若遂執爲一州成書體裁謂何余疲於案牘不及刪姑置之耳居二年拮据稍就緒暇與廣文黃君共

繙向所脫稿如人物藝文刪其全者十之三存其畧者十之七文極簡而事未嘗不核也夫晉自士蔦城絳歷世都之董狐稱良史無亦以實錄有裨於風教乎志非史也而實錄具在不可謂非風教一助也豈直足以張絳已哉昔萬曆己酉春王正月知絳州事大平方立誠撰

九例

一舊志脩於萬曆己酉邇者壞裂原本越次攙入難爲究詰今從己酉原本爲斷悉刪正之

一趙文子羊舌子故里皆在今州境內隨武子諸賢墓在九原山舊志不書其人是遺之也今悉增補之

一舊志楊劉後周人訛爲魏劉共父訛爲貢父今從周書弇山稿考正改之

一己酉以後人物鄉賢節孝所宜錄者皆爲小傳如舊志式以示先後秉筆者之爲一轍

絳州志

卷一 九例

一志內所載其有關於國計民生風俗教化者各綴小論於後不復置別以明今昔公同無二志也

一前賢文集歌詩曷能盡載今第取其有關於風教與民生之利害者各載其一二篇益從志體云爾

一鄉賢人物不能詳記如一行之善一節之美皆於附傳或詩文中見之

一節序祭器書目等舊志所無依府志與別州縣志式增之

一夫子廟記舊志採摭甚多率不足爲有無今則於後之作者無錄至於異教諸碑無關名教者悉刪之示崇正也

一自世變以來婦女節烈不能盡爲傳亦不能盡爲蒐採而悉知之也今止記其姓氏與其死之之烈其不能知其姓名或筆其所傳聞以及之一洛陽名園有記皆書於稗家小說近於逸豫非正史之體不敢侈爲佳話或見於詩文者存之

絳州志

卷一九列

一地產物萃舊志大畧土壤效靈品物積壽或昔無而今有或彼措而此良或遐方得種殊壤移植各因土膏之宜以成品彙之盛皆依府志之式詳爲書之

一人文之品位無窮志書之格目有限不能不徘徊於去取之間但揚美褒芳寧寬勿刻門類之餘優爲廣彙附續附異附餘以示廣收不盡之意

一金進士舊志僅張濤一人見府志者六人皆從金史考其世次增補之又增武科

絳州志目錄

卷一

一地理

建置

星野

形勝

疆域

城池

坊鄉

堡墩

山川

水利

冰窟

橋梁

古蹟

風俗

節序

一廡宇

官治

學校

祭器

公署

堂閣

壇壝

祠廟

寺觀

陵墓

舖舍

一食貨

絳州志

卷一目錄

戶口

田賦

課程

物產

一帝系

王侯

卷二

一職官

官秩

官師

名宦

一人物

鄉賢

科貢

核貢准貢例授

例貢

特貢附

武弁

武科

掾官

薦辟

封蔭

卷三

孝義 汎寓 隱逸 貞烈 祥異附儒釋

藝文

風 謠 賦 詩附雜體 序

卷四

記碑附疏 議 說 引 志

傳 墓志銘 墓表 法書 藏書

篇目 廣彙附異附餘附續

絳州知州三韓劉顯第

統轄

同知 古燕張 邕

署學正晉蔚李調元 董飭

史目豫章雷仕俊 督梓

卿官 孫錫齡 鑒定

王復勳

調鼎

孫有恒全恭訂

舉人 常貞吉

馬中樞

貢士 郝璜珍全較閱

生員 陶用瞻 纂續